



Broj: 14-02-49-02734/17

Datum, 14.6.2017.god.

**Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
S A R A J E V O
n/r, predsjedateljice, Prof. Ane Babić**

**Predmet: Odgovor na zastupničko pitanje broj: 01-05-18481/17 od 25.05.2017. god.
postavljeno od strane zastupnice Mersihe Mehmedagić - dostavlja se**

Kantonalna uprava za inspekcijske poslove Kantona Sarajevo, dana 02.06.2017. god. zaprimila je zastupničko pitanje postavljeno od strane zastupnice Mersihe Mehmedagić na 30. Radnoj sjednici Skupštine Kantona Sarajevo održanoj dana 24.05.2017. god. u okviru tačke Dnevnog reda "Zastupnička pitanja, inicijative i odgovori " koje glasi :

"Molim Ministarstvo zdravstva da me detaljno izvjesti o svim nalazima Zavoda za javno zdravstvo koji ukazuju na mikrobiološku neispravnost vode i njenim uzrocima u općinama Kantona Sarajevo 2016. godinu i za 2017. godinu zaključno sa današnjim datumom.

Za posmatrani period tražim također i od Kantonalne uprave za inspekcijske poslove informaciju o svim prijavama po ovom osnovu, te informaciju o poduzetim mjerama postupajućih inspektora i o njihovoj realizaciji.

O B R A Z L O Ž E N J E :

Da slučaj bakteriološki neispravne vode nije zabilježen samo na Vrelu Bosne ukazuje i nalaz Zavoda za javno zdravstvo Kantona Sarajevo od 10.05.2017. godine za vodovode na prostou Općine Trnovo, konkretno u naseljima Dujmovići i Presjenica. Komunalno preduzeće Trnovo je stanovnike ovih naselja obavijestilo tek sedam dana nakon rezultata analize, istaknuvši obavještenje protokolisano 16.05.2017. godine na dan 17.05.2017. godine.(obavještenje u prilogu)



Ovim obavještenjem upozoravaju građane da voda nije za piće, pripremljanje hrane i ličnu higijenu, te da građani vodu obezbijede iz alternativnih izvora.

O mjerama Kantonalne uprave za inspeksijske poslove na ovakvo ponašanje nadležnog Komunalnog preduzeća Trnovo, kojim je direktno ugroženo zdravlje građana, očekujem detaljnu informaciju.

S obzirom na sve navedene podatke od Ministarstva zdravstva KS i Zavoda za javno zdravstvo očekujem izvještaj o kvalitetu vode na području Kantona, uzrocima zagađenja i poduzetim mjerama po svim negativnim nalazima za posmatrani period".

U vezi s postavljenim pitanjem dajemo slijedeći

ODGOVOR:

Za period 2016/2017. godine, u Kantonalnu upravu za inspeksijske poslove, Inspektorat sanitarne zdravstvene i farmaceutske inspekcije i inspekcije za hranu zaprimljeno je 18 nalaza mikrobioloških analiza vode za piće iz lokalnih vodovoda koji ne odgovaraju Pravilniku o zdravstvenoj ispravnosti vode za piće ("Sl. glasnik BiH" br. 40/10).

U 2016. godini zaprimljeno je 13 nalaza i to šest u području Općine Vogošća, dva u Općini Ilidža, dva u Općini Novi Grad Sarajevo, dva u Općini Centar Sarajevo i jedan u Općini Ilijaš. U 2017. godini je zaprimljeno pet nalaza iz lokalnih vodovoda sa područja Općine Trnovo.

Na osnovu nalaza Zavoda za javno zdravstvo Kantona Sarajevo postupajući inspektori po službenoj dužnosti su uputili rješenja sa upravnim mjerama i izvršili kontrole izvršenja rješenja. Sva rješenja su izvršena, osim rješenja koje se odnosi se na lokalni vodovod Presjenica, koje je još uvijek aktuelno.

Dana 15.5.2017. godine Kantonalna uprava za inspeksijske poslove je putem faxesa od strane Zavoda za javno zdravstvo Kantona Sarajevo zaprimila nalaze o zdravstvenoj ispravnosti vode iz lokalnih vodovoda sa područja Općine Trnovo - Presjenica i Dujmovići, koji potvrđuju da voda ne odgovara Pravilniku o zdravstvenoj ispravnosti vode za piće ("Sl. glasnik BiH" br. 40/10), te da zbog zaštite zdravlja korisnika nije za piće, kao ni za ličnu higijenu i higijenu posuđa u kome se priprema hrana.

Inspektor je na osnovu nalaza Zavoda za javno zdravstvo Kantona Sarajevo, pokrenuo postupak inspeksijskog nadzora i poduzeo upravne mjere na način što je postupajući u skladu sa članom 3. Zakona o zaštiti stanovništva od zaraznih bolesti ("Sl. novine Federacije Bosne i Hercegovine" broj 29/05) kojim je definisano da je zaštita stanovništva od zaraznih bolesti dužnost jedinice lokalne samouprave – općina donio rješenja za svaki lokalni vodovod pojedinačno, prema Općini Trnovo kao jedinici lokalne samouprave, sa uputama i korektivnim mjerama, zbog ugroženog zdravlja stanovništva.



Obzirom da je Odlukom općinskog vijeća Općine Trnovo o davanju na upravljanje i održavanje dijela komunalnih objekata i uređaja individualne komunalne potrošnje preneseno na JKP Trnovo d.o.o. Trnovo o čemu je inspektor naknadno upoznat prilikom inspekcijskog nadzora u JKP Trnovo d.o.o. Trnovo, zaprimljena rješenja od strane Općine Trnovo prosljeđena su na dalje postupanje navedenom javnom preduzeću.

Dana 18.5.2017. godine inspektor je aktom broj: 02-V-579/17 dostavljenim od strane JKP Trnovo d.o.o. Trnovo, pismeno obavještavan o poduzetim korektivnim mjerama od strane JKP Trnovo d.o.o. Trnovo u skladu sa rješenjem inspektora, uključujući i obavijest o snabdjevanju stanovništva flaširanom vodom. Prilikom kontrole izvršenja rješenja u JKP Trnovo d.o.o. Trnovo inspektoru su predloženi računi za kupljenu flaširanu vodu kao dokaz da je stanovništvu obezbijedena alternativna voda.

Dana 24.5.2017. godine uzet je kontrolni uzorak vode u naselju Dujmovići, koji odgovara Pravilniku o zdravstvenoj ispravnosti vode za piće ("Sl. glasnik BiH" br. 40/10), nalaz broj 10507/17 od 26.5.2017. godine.

Rješenje koje se odnosi se na lokalni vodovod Presjenica je još uvijek aktuelno i kontinuirano se vrši analiza vode u saradnji sa laboratorijom Zavoda za javno zdravstvo Kantona Sarajevo.

Dana 31.5.2017. godine u usmjerenom inspekcijskom nadzoru u sjedištu JKP Trnovo d.o.o. Trnovo, izvršenom po predstavkama građana inspektoru je predložen zaprimljeni fax od Zavoda za javno zdravstvo KS od 15.5.2017. godine (zaprimljen u 08:56 časova)

Odgovorno lice JKP Trnovo d.o.o. Trnovo inspektoru je izjavio da je obavijest za stanovništvo istaknuta odmah naredni dan nakon prijema faxes tačnije 16.5.2017. godine te da je obavijest bila postavljena na oglasnoj ploči i stubovima električne rasvjete, ali da je njihovom greškom u Obavijesti stavljen datum početka analize 10.05.2017. godine, a ne datum kraja analize 15.05.2017.godine kada je isti i dostavljen.

O navedenom, postupajući inspektor je dana 29.05.2017. godine tražio izjašnjenje Zavoda za javno zdravstvo Kantona Sarajevo koje je ovom organu dostavljeno dana 09.06.2017. godine.

U navedenom izjašnjenju se navodi da je greškom na Izvještaj o mikrobiološkom ispitivanju vode za piće stavljen datum 10.05.2017. godine umjesto 11.5.2017. godine. Izvještaj je od strane rukovodioca laboratorije dostavljen Službi za zaštitu i unapređenje životne sredine na mišljenje, koje je završeno 15.05.2017. godine i putem faxes dostavljeno JKP Trnovo d.o.o. Trnovo i Inspektoratu sanitarne, zdravstvene i farmaceutske inspekcije i inspekcije za hranu.

Razlog zašto je došlo do zastoja i duže procedure od laboratorijske analize vode do izdavanja Izvještaja i Mišljenja obrazlažu činjenicom da je došlo do povećanog obima posla laboratorija i nedostakom kadra. U izjašnjenju se dalje navodi da se greška desila prvi put, da nije nastupila posljedica po zdravlje stanovništva te da će ubuduće ne čekajući izvještaj u slučajevima sumnje na zdravstvenu ispravnost vode, odmah telefonskim putem obavijestiti nadležne institucije i dostaviti pismene preporuke.



Cijeneći navode iz zahtjeva može se konstatovati da je JKP Trnovo d.o.o Trnovo djelovalo blagovremeno te da sa aspekta inspekcijskog nadzora nema elementa koji bi ukazivali na svjesno ugrožavanje zdravlja stanovnika.

U vezi sa postupkom utvrđivanja odgovornosti JKP Trnovo d.o.o Trnovo zaduženog za održavanje lokalnih vodovoda, blagovremenost obavještanja stanovništva i utvrđivanje postupaka u slučaju nastupanja neplaniranih ili neočekivanih poremećaja ili prekida u pružanju komunalne usluge, ističe se sljedeće: nadzor nad odredbama Zakona o komunalnim djelatnostima ("Sl. novine KS" br. 14/16) - uslovi koje moraju ispunjavati davaoci komunalnih usluga za obavljanje komunalnih djelatnosti (snabdjevanje pitkom vodom iz vodovoda lokalnog značaja) je u nadležnosti općinske komunalne inspekcije.

Shodno navedenom, prema Zakonu o upravnom postupku, predmet je proslijeđen na nadležno postupanje Službi za civilnu zaštitu i inspekcijski nadzor u oblasti urbanizma, građenja i komunalnih djelatnost Općine Trnovo (Predmet broj UP-1-14-10/12-37-09077/17 od 05.6.2017. godine).

Napominjemo da se izvršenje rješenja koje se odnosi na a Lokalni vodovod Presjenica prati kontinuirano po službenoj dužnosti u saradnji sa Zavodom za javno zdravstvo Kantona Sarajevo.

S poštovanjem,



Dostaviti:

1. Predsjedateljici Skupštine KS
2. Sekretaru Skupštine KS
3. Sekretaru Vlade KS
4. Evidencija
5. Arhiva

